

Anaka,

Tsy fantatrao angamba Aho, anefa Izaho dia mahalala tsara anao ...Salamo 139:1 Fantatro ny fipetrakao sy ny fitsanganao ...Salamo 139:2 Fantatro tsara ny halehanao rehetra ...Salamo 139:3 Na ny volon-dohanao aza dia voaisako avokoa ...Matio 10:29-31 Satria nahariko tahaka ny endriko ianao ...Genesisy 1:27 Eo amiko no hivelomanao sy hihetsehanao ary hiainanao ...Asan'ny Apostoly 17:28 Satria terako hianao ...Asan'ny Apostoly 17:28 Fantatro ianao fony ianao tsy mbola noforoniko ...Jeremia 1:4-5 Notendreko ianao mba hofiderana ny voninahitro...Efesiana 1:11-12 Tsy zava poana ianao, fa ny andro voatendry ho anao dia voasoratra eo amin'ny bokiko ...Salamo 139:15-16 Notendreko ny fotoan'andro hivelomanao sy ny faritry ny fonenananao ...Asan'ny Apostoly 17:26 Mahatahotra sy mahatalanjona ny nanaovako anao ...Salamo 139:14 Izaho no namolavola anao tao an-kibon-dreninao ...Salamo 139:13 Izaho no mpiaro sy namoaka anao avy tany an- kibon-dreninao ...Salamo 71:6 Nosimban'ireo tsy nahalala ahy ny hendriko ...Jaona 8:41-44 Tsy lavitra aho ary tsy tezitra, satria Izaho dia fitiavana ...1 Jaona 4:16 Ny fitiavan'ny Ray no tiako haseho anao ...1 Jaona 3:1 Satria zanako ianao ary Izaho no Rainao ...1 Jaona 3:1 Tiako mihoatra nohon' ny fitiavan'ny rainao niteraka anao ianao ...Matio 6:7 Satria Izaho no fahantanterahan'ny Ray ... Matio 5:48 Ny fanomezan-tsoa rehetra azonao dia avy aty amiko ...Jakoba 1:17 Izaho no mihahy sy mikarakara ny ilainao rehetra ...Matio 6:31-33 Ny fikasako ny hoavinao dia fikasana feno fanantenana hahatonga fiadanana ...Jeremia 29:11 Fa fitiavana mandrakizay no nitiavako anao ...Jeremia 29:11 Ny zava-tsoa tiako homena anao dia tsy voaisa tahaka ny fasika ...Salamo 139:17-18 Hifaly eo aminao amin'ny fihobiana Aho ...Zefania 3:17 Tsy hitsahatra amin'ny fahasoavako ho anao Aho ...Jeremia 32:40 Satria rakitra soa ho ahy ianao ...Eksodosy 19:20 Hamboly anao amin'ity tany ity amin'ny foko rehetra sy ny fanahiko rehetra tokoa Aho ...Jeremia 32:41 Hampisehoako zavatra lehibe sy saro-pantarina ianao ...Jeremia 33:3 Raha hitady Ahy amin'ny fonao rehetra ianao dia hahita Ahy ...Deoteronomia 4:29 Raha miravoravo amiko ianao dia homeko anao izay hirin'ny fonao rehetra ...Salamo 37:4 Satria izaho no miasa ao anatinao nanome anao ireny faniriana ireny ...Filipiana 2:13 Fa Izaho mahay manao ny zavatra rehetra mihoatra lavitra izay heverinao ...Efesiana 3:20 Satria Izaho no manome fanantenana sy fampionona anao ...2 Tesaloniana 2:16-17 Izaho no Rain'ny famimdrapo sy ny fampiononana amin'ny fahoriana rehetra ...2 Korintiana 1:3-4 Akaiky anao Aho rehefa torotoro fanahy sy mangorakoraka ianao ...Salamo 34:18 Tahakan'ny mpiandry ondry mitroto ny ondriny eo an-tratrany no hitrotoako anao ...Isaia 40:11 Hofafako ny ranomaso rehetra amin'ny masonao ...Apokalypsy 21:3-4 Ary hesoriko ny alahelo sy ny fitarainana ary ny fanaintainana izay nahazo anao tety antany ...Apokalypsy 21:3-4 Izaho no Rainao izay tia anao tahakan'ny tiavako an'i Jesosy zanako ...Jaona 17:23 Satria eo amin'ny Jesosy no nampahafantariko ny fitiavako ho anao ...Jaona 17:23 Jesosy no endriky ny tenako sy famirapiratan'ny voninahiko ...Hebreo 1:3 Tonga Izy hampiseho anao fa Izaho dia momba anao fa tsy hanohitra anao ...Romana 8:31 Ary Izy no niteny anao fa tsy nanisa ny fahadisoanao akory Aho ...2 Korintiana 5:18-19 Fa maty Jesosy mba hampihavana antsika ...2 Korintiana 5:18-19 Ny nahafatesany no fampisehoako ny fitiavako lehibe anao ...1 Jaona 4:10 Nomeko anao ny tiako rehetra mba ahazoako ny fitiavanao ...Romana 8:31-32 Raha manaiky ny fanomezan'ny Jesosy zanako ianao dia mandray Ahy ...1 Jaona 2:23 Ary, tsy hisy hahasaraka anao amin'ny fitiavako ...Romana 8:38-39 Misy fifaliana lehibe any an-danitra ny amin'ny mpanota iray izay mibebaka ...Lioka 15:17 Izaho no tena Ray, ary ho Rainao mandrakizay ...Efesiana 3:14-15 Ny fanontaniako dia... Manaiky ny ho zanako ve ianao? ...Jaona 1:12-13 Miandry anao Aho ...Lioka 15:11-32

**Ny Rainao izay tia anao.
Andriamanitra Tsitoha.**